



FAKULTET ZA KRIMINALISTIKU,
KRIMINOLOGIJU I SIGURNOSNE STUDIJE



POZIVNO PISMO

„Kriminalističke teme“

časopis za kriminalistiku, kriminologiju i sigurnosne studije

CSA Sociological Abstract

EBSCO SocINDEX

EBSCO SocINDEX Full Text

EBSCO Criminal Justice Abstracts

EBSCO Criminal Justice Abstracts with Full-text

ProQuest Social Sciences

Kriminalističke teme – časopis za kriminalistiku, kriminologiju i sigurnosne studije svojim sadržajem smjera općem promoviranju kriminalistike, kriminologije i sigurnosnih studija i predstavlja specifičan oblik doprinosa naučnim spoznajama i kvaliteti društvenog života uopće. Od pokretanja pa sve do danas, „Kriminalističke teme“ prate trendove i aktuelne probleme vezane za kriminalitet i sigurnosni ambijent u cjelini, pri čemu se poseban fokus stavlja na razumijevanje kriminaliteta u različitim geografskim i socio-ekonomskim kontekstima, predstavljanjem inovativnih pristupa i pozitivnih primjera dobre prakse iz oblasti suprotstavljanja kriminalitetu, praćenjem promjena zakonskih okvira i institucionalnih kapaciteta, te predstavljanjem savremenih rješenja u oblasti sigurnosti.

Časopis ima naučni i stručni karakter, a publikuje se u izdanju *Fakulteta za kriminalistiku, kriminologiju i sigurnosne studije Univerziteta u Sarajevu*. Osnovna misija časopisa jeste objavljivanje do sada neobjavljenih naučnih i stručnih radova, osvrti, prikaza, te prijevoda iz područja kriminalistike, kriminologije i sigurnosnih studija, čime se nastoji izravno doprinijeti promociji i razvoju nauke, struke, naučnoistraživačkog rada i visokoškolskog

Bosna i Hercegovina
Univerzitet u Sarajevu
Fakultet za kriminalistiku, kriminologiju i sigurnosne studije

obrazovanja.

U pogledu rukopisa koji se objavljuju u „Kriminalističkim temama“, isti se referiraju u: *CSA Sociological Abstract*, *EBSCO SocINDEX*, *EBSCO SocINDEX Full Text*, *EBSCO Criminal Justice Abstracts*, *EBSCO Criminal Justice Abstracts with Full-text* i *ProQuest Social Sciences* koji nude nekoliko miliona naučnih sadržaja iz oblasti kriminalistike, kriminologije, sigurnosnih studija, krivičnog prava, socijalnog rada i mnogih drugih naučnih oblasti koje spadaju u domen društvenih nauka.

Izdavačkom politikom časopisa, uređeno je da se isti objavljuje tri puta godišnje i to u šest brojeva (izdanja 1-2 i 3-4 na B/H/S jezicima, te izdanje 5-6 na engleskom jeziku).

Prilikom pripremanja rukopisa za dostavljanje na recenziju, iste je potrebno uskladiti sa standardima časopisa *Kriminalističke teme* koji su navedeni u *Uputstvu za autore*. Radovi se dostavljaju elektronskom poštom na adresu Redakcije: krimteme@fknbih.edu.

Svi radovi koji pristignu na redakcijsku adresu, prolaze rigoroznu proceduru recenziranja koja podrazumijeva dvije anonimne ekspertne recenzije (*double-blind review*). Potrebno je naglasiti da Redakcija časopisa po vlastitom nahođenju može odbiti rad koji je dostavljen na recenziju ukoliko isti nije usklađen sa *Uputstvom za autore*, odnosno ukoliko se utvrdi da dostavljeni rad nije relevantan za naučne oblasti koje pokriva časopis „Kriminalističke teme“.

Rukopisi koji budu pozitivno recenzirani, kategoriziraju se na sljedeći način: izvorni naučni rad (*original scientific paper*), prethodno saopćenje (*preliminary note*), pregledni naučni rad (*review scientific article*), stručni rad (*professional paper*).

Svjesni činjenjice da za ostvarenje osnovne misije časopisa „Kriminalističke teme“ primarnu ulogu imaju naučnici i stručnjaci u relevantnim oblastima na koje časopis referira, te znanje i entuzijazam koji su osnovni pokretači svakog društvenog napretka, pozivamo Vas da dostavite Vaše radove iz domena kriminalistike, kriminologije i sigurnosnih studija, kako bismo ih objavili u jednom od narednih brojeva „Kriminalističkih tema“.

U očekivanju Vaših radova, srdačno Vas pozdravljamo.

Glavni urednik
Doc. dr. Eldan Mujanović